



**ქობულეთის მუნიციპალიტეტის საკრებულო**

**გ ა ნ კ ა რ გ უ ლ ე ბ ა №133**

**2011 წლის 25 ნოემბერი**

**ქ. ქობულეთი**

**შ.პ.ს. „საქართველო“ სასტუმრო „ჯორჯია პალასი“-სათვის  
მაღალი ძაბვის კაბელის (ხაზობრივი ნაგებობის) მიწისქვეშა მონტაჟისათვის  
საზოგადოებრივი სივრცის გამოყენებაზე თანხმობის მიცემის შესახებ**

ქობულეთის მუნიციპალიტეტის საკრებულო აღნიშნავს, რომ შ.პ.ს. „საქართველო“ სასტუმრო „ჯორჯია პალასი“ აწარმოებს მუნიციპალიტეტის ტერიტორიაზე მაღალი ძაბვის კაბელის (ხაზობრივი ნაგებობის) მიწისქვეშა მონტაჟს, რუსთაველის ქუჩა №172-ში განთავსებული ქვესადგურიდან, რუსთაველისა და ვერულიძის ქუჩის გადაკვეთამდე სავალი გზის გასწვრივ, დავით აღმაშენებლის გამზირის გადაკვეთით სასტუმრო „ჯორჯია პალასი“-ამდე.

საქართველოს მთავრობის 2009 წლის 24 მარტის №57 დადგენილების „მშენებლობის ნებართვის გაცემის წესისა და სანებართვო პირობების შესახებ“ მე-13 მუხლის მე-2 პუნქტის, „ადგილობრივი თვითმმართველობის შესახებ“ საქართველოს ორგანული კანონის მე-16 მუხლის მე-3 პუნქტის შესაბამისად:

1. მიეცეს თანხმობა შ.პ.ს. „საქართველო“ სასტუმრო „ჯორჯია პალასი“ ქ.ქობულეთის ტერიტორიაზე აწარმოოს მაღალი ძაბვის კაბელის (ხაზობრივი ნაგებობის) მიწისქვეშა მონტაჟი, რუსთაველის ქუჩა №172-ში განთავსებული ქვესადგურიდან, რუსთაველისა და ვერულიძის ქუჩის გადაკვეთამდე სავალი გზის გასწვრივ, დავით აღმაშენებლის გამზირის გადაკვეთით სასტუმრო „ჯორჯია პალასი“-ის სატრანსფორმატორო ჯიხურამდე (977 მ) და აღმაშენებლის გამზირის №263-დან სასტუმრო „ჯორჯია პალასი“-ის სატრანსფორმატორო ჯიხურამდე (866 მ).

2. შ.პ.ს. „საქართველო“ სასტუმრო „ჯორჯია პალასი“ -მა ქ. ქობულეთის ტერიტორიაზე მაღალი ძაბვის კაბელის (ხაზობრივი ნაგებობის) მიწისქვეშა მონტაჟისათვის საჭირო ნებართვის მისაღებად დაკავშირებული პროცედურები აწარმოოს მოქმედი კანონმდებლობის შესაბამისად.

3. გაფრთხილდეს შ.პ.ს. „საქართველო“ სასტუმრო „ჯორჯია პალასი“ მასზედ, რომ სახელმწიფო პროგრამით დაგეგმილი განაშენიანების სამუშაოების ჩატარების საჭიროების შემთხვევაში საკუთარი ძალებით უზრუნველყოს საკაბელო ტრასის ადგილმონაცვლეობა.

4. შ.პ.ს. „საქართველო“ სასტუმრო „ჯორჯია პალასი“ -მა უზრუნველყოს მაღალი ძაბვის კაბელის მონტაჟისათვის საჭირო საპროექტო დოკუმენტაციის შეთანხმება ქ.ქობულეთში არსებული სხვა საინჟინრო-კომუნალური ქსელების მეპატრონეებთან. (შ.პ.ს. „ფოპნეტი“, შ.პ.ს. „ა-ნეტ A-NET“, ს.ს. „ენერჯო-პროჯორჯია“, ს.ს. „სილქნეტი“, შ.პ.ს. „ქობულეთის წყალკანალი“, აჭარის ავტონომიური რესპუბლიკის საავტომობილო გზებისა და სამედიორაციო სისტემების მართვის დეპარტემენტი).

5. კონტროლი განკარგულების შესრულებაზე დაევალოს ქობულეთის მუნიციპალიტეტის საკრებულოს თავმჯდომარის მოადგილეს (ეზაგრატიონი);

6. განკარგულება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ.№-30).

7. განკარგულება ძალაშია ხელმოწერისთანავე.

**საკრებულოს თავმჯდომარე**

**ნ. ბერაძე**

